

مُتَقَدِّمَاتُ

۱۳۲۶

درسه‌داتده باب عالی جاده-سنده
اداره مخصوصه
محل اداره :

مستکمره موافق آثار جدیده مع المکتوبیه
ایمظان :
قیومک او انور
درج ابدلین آثار اعاده اولغاز

دین، فلسفه، ادبیات، حقوق و علوم دین باحث هفته‌ای رساله‌در

درسه‌داتده نسخیه سی ۵۰ پاره‌در

قیرله دن مقوا بورو ایله کوندریلیرسه سنوی
۲۰ فروش فضله آلنیر

درسه‌داتده پوسته ایله کوندریلیرسه ولایات بدلی اخذ اولنور.

مؤسسلری : ابوالعلا زین‌العابدین - ح . اشرف ادیب

سنه‌ایکی	التی آیلنی	درسه‌داتده
۶۵	۳۰	ولایاتده
۸۰	۴۰	مملک اجنبیه‌ده
۸۰	۴۰	

تاریخ تاسیسی :
۱۱ محوز ۳۲۴

ایکنجی جلد

۴ صفر ۳۲۷ پنجشنبه ۱۲ شباط ۳۲۴

عدد : ۲۷

ستار خان

گرچه بوقدر برکرا قیمت مجوهر افسرک ،
سن فقط سرتاجی اولمشسک و ظنرورلرک .
گرچه مالک اولمامشسک سلطنت اورنکنه ،
بر حکمدار معظمین معظمسک ینه .
نفسکک برحاکم ذیشانسک ، قدرت بودر .
نجدتک بیک سیفدر ، بیک قلعه در ، بیک اردودر .
افق استقباله عاکس نور وجدانکله سن ،
دهره کوستردک حمیت درسی برای ایکن !
ملت اولمشدر سنک افرادی چوق برعالمک ؛
عمر پایان نابذیرک شهرت مستقبهک .
شاه بی اذعانه چوق سورمز بوکاذب طنطنه
نامکی شوکتنامه بکه یازارلر یان یانه .
صفحه تاریخک اعماق سراز کاهنه
بر طرفه غیظ ، شتم ولعنت ایران شاهنه ؛
بر طرفه مرد جنکاور طانتش برعجم
مظاهر تعظیم اولور عالی ، موقر ، محترم .
سنسک ایشته لایق تعظیم اویوکسک ناصیه
کوستریر هرکس سنی ایرانی قورنارمش دیبه .
صفحه تاریخ بردولتسرایکدر سنک
شیدی ایوانک سریر کور اولونجه مدفتک

:

ظلم عاجزدره ، بیوکک ، قدرت انجق حقه در .
آه ظلومین تماس ایندکجه صارصلقه در
آهین الوانی باق شاه هلاکو طینتک !
مدلت فوقنده در هر قدرتک لم هر قوتک .
ظلم ، ای انسان بین جادوی آتش بیرهن ،
شاه ایران اولسون ماهیت مستکره هک !
روح مردنخورایسک هر برون جلا دینک ،
قابض الارواحیسک هر ملتک افرادیکنک .
ظلم ، ای آفته ، ای مخلوق مستکره لقا ،
شاه ایراندر سنک قلب سفیلک مطلقا !
ظلم ، ای قبر جهان وسعت یابان هر بریری
هدم ایدن دنیالری ، حکیم ایدن مقبرلری

ظلم ، بر قاج استخوانه بر سرای انشا ایدن
موسیقی تدوین ایدن فریادلردن ، کریدن .
ظلم ، ای اژدرکه جانلر عقل واذعانلریدک ،
ظلم ای بوت که سرای سلطنتلر معبدک ،
ظلم ، ای براسکلت که زنده لر بنجه کده در ،
روحلر پامال غیظکدر ، مقابر زنده در ،
لازم غیرمفارقسک فقط انسان ایچون
عادتا بر دین نایسک حکمداران ایچون .
ای حکمدار عقورای غازی قائل ، اوت ،
ای شهنشاه عجم ، شاه مظنطن منقبت ،
ای مزارلردن غدا آلمش صغوق سروسهی
سایه لطفکده مقبرلر براق قالسون تهی :
اوله دن انسانلری دفن ایت طوتوب زندانلره ،
مرکز آتشفشان ارضی ضرق ایت قانلره .
بر بشارتکا . یاب ناموس و وجدانلر ایچون
برده جدوللر کشاد ایت دوکدیکک قانلر ایچون
آل سکا باق ایشته دریلر قدر وسعتلی قان
بر بیغین خاک مقابر ، ایشته بر چوق استخوان .
بونلری مزج ایله مکتب یاب هیا کل یاب بوکون
قاله الجا آنه عصرک مخالف بوسبتون .
زینت ملیه در انکشت شاهانه کده قان .
خون ، ظلومین دکدر عطر شاهیدر آقان .
سرفروبردهک — نه دولندر ! — کسینش کله لر
منقرض بردولته نصب ایله رکن الدوله لر !
امرونی ایت کیمه سز ملکنده کیف مایشا
ملتک مودوع خاک مغفرتدر سن یشا !
مدحت جمال

مباحثات

خطبه لره دأر

صراط مستقیمک اون دردیجی نسخه سنده مندرج « فلبه ده جامع
کیر خطیبی حافظ ثانی » امضا سیله خطبه لره دأر نشر اولنان بر . مقاله ده :
« آیات کریمه و احادیث شریفه مسننا اولدینی حالد خطبه لره ایده جکمز
نصایحی ، ویره جکمز تلقیناتی لسانغزله اداوایفایتسهک بر محذور واری ؟
بو خصوصلره احتمالک بین العلاما مذاکره و مناقشه اولمشدر ؛ عریجه دن
ماعدتا برلسان ایله خطبه لر ایضا اولغز ، طرزنده بلکه جواب بیله

ویرایش در « تقریر لریک تضمین ایندیکی سؤالر جواب اولوق اوزره کتب شرعیہ مزده بیان بیوریلان تفصیلات بروجه آتی تلخیص ایدلمشدر :

- ۱ - خطبه لر ، ایکی فرضی واون بش سننی مشتملدر . فرضلر : ۱ - وقت درکه خطبه نك نماز دن اول زوالدن صکره اولان بر وقته اوقونمسیدر ۲ - ذات قدسیت سمات عز شانه حضرت لرینی الوهیتنه لائق اوصافله ذکر ایتمکدر . سننلر : ۱ - طهارتدر . ۲ - خطبیک حال قیامده بولنمسیدر . ۳ - خطبیک قومه متوجه بروضعیت آلمسیدر . ۴ - خطبه قرآننه قبل الابتدار خطیب کندی نفسنده تعوذ کتیرمسیدر . ۵ - قرائت اولسان خطبه بی قومک استماع ایتمسیدر . ۷ - الحمد لله جمله سیه خطبه به بدأ اولنمق در . ۷ - شان الوهیته لایق صورتله ثنا ایدلمکدر . ۸ - وحدانیت باری ، صدق رسالت حضرت پیغمبری به شهادتدر . ۹ - نورالوجود علیه صلوة المعبود اقدم حضرت لرینه صلاة ایدلمکدر . ۱۰ - وعظ و تذکیر اجرا قلمتدر . ۱۱ - قرآن باهر الیاندن اوج مختصر ویا خود بر مطول آیت مقداری قرائت اولنمقدر . ۱۲ - خطبه نایده فیاض مطاق حضرت لرینه ثنا ، حضرت پیغمبرده صلاتک اعاده لریدر . ۱۳ - مسلمین و مسلمانه دعا ایتمکدر . ۱۴ - تطویلده کراحت اولدیفندن هر ایکی خطبه بی تخفیف ایتمکدر . ۱۵ - جمیع اعضاسنک استقراریله موضع جلوسده تمکن ایدمک قدر بر زمان ایکی خطبه آرسنده خطبیک قعودیدر ... وجه مسنونی بیان قلنان و محضا ذکر و طاعت و عبادت دن عبارت اولان خطبه لرله امور دینی و دنیوییه مزه اسباب معیشت و سیاستز ، افکار مز و حتی احوال عمومییه من احکام شرعی سیه تصویر ایدلمی و هر زمانک وقوعات حادثه سنه کیره تعلیمات شرعیه ارشادات حکمییه بی جامع اولدینی حالد خطبه لر ترتیب اولنمقدر . یوقسه زمین وزمانه ، موقع و حاله غیر مناسب اولیله بر طاقم ریک جمله لر ، مغلوق عبارله لر ، سجملر ، قافیله لرله خطبه لر یالکوز دعالره حصر وقصر ایدلملمیدر .

خطبه لرک عربی العبارة اولمسی شرط میدر دکلیدر .-

شمس الأئمه حضرت ابو حنیفه شرط اولدیفنی بیان بیورمشلر . و حتی عربیتنه ، لسان عربیه و قوف تامه قدرت کامله اولسه بیله خطبه لرک السنه سائر ایلله دخی جوازینیه حکم ویرمشلردر . امام ابو یوسف و امام محمد حضرتای شرط اولوب اولماسنی عجز و قدرته تعلیق ایدرک مسئله بی تفصیل ایتشلر . عربیتدن عندالجز السنه سائر ایلله جوازینیه ، عربیتنه مع القدرة عدم جوازینیه حکم ویرمشلر سنه ؛ امام اعظم حضرت لرینک حکمی بین الفقها شایان اعتماد کورلمشدر .

فذلککه بی هانکی لسانله اولورسه اولسون اوقونمسی جواز

شرعی به اقترا این خطبه لر دن قارئین و سامعین عمومییه حصه یاب استفاده اولوق اوزره هر قومک کندی لسانلری اوزرینه خطبه لر ترتیب و تحریر ایدلمیدر . یوقسه عربیتک اسلوب و شیوه سنه ، لغات و مزایا سنه ، قواعد و دقایقه واقف اولمیان ترکر ایچون عربجه اوقونه جق خطبه لر دن بر حسن تاثیر حصوله کمر ، چونکه امور معلومه دن اولدینی اوزره کلامدن مرام اکلاشلق شرطدر ، شرط مطاقدر . بناء علیه متکلم و مخاطبنه قارشو مضمونیه ، مفهومیله بحق اتضاح ایتیه جک اولان کلام بر فائده بی مفید اولماز .

استطراذ . - ائمه کرام حضرتانک خطبه لر حقنده کی اختلاف و حکملری « تکبیرة الافتتاح » اذکار صلاتدن عبارت بولنان « تشهد ، قنوت ، دعا » رکوعله سجود تسبیحانلری « نده دخی غینا جاریدر . قرائتک دخی السنه سائر ایلله رهین جواز اوله جفته سرتاج ائمه ابو حنیفه حضرت لرلی هر قدر حکم ویرمشلر سنه بعده او حکملرندن رجوعله عدم جوازینیه امام یوسف و امام محمد حضرتانک ویردکری حکمی تصویب و تصدیق بیورمشلر ، واشبو حکمی اصح و منفق به طوتمشدر .

صفوت

صراط مستقیم

بوجهت حقنده قارئین کرام طرفندن کوندرین مقالاتی بی دربی درج ایدبورز . فقط موضوع بحث غایتله مهم اولدیفندن دیکر ذواتکده مطالعاتی اشعار ایدمکچکرینی امید ایدرز . صکره بزده بوبابده کی مطالعه منزی تردیف ایدمکچکری .

عظمتک انتاج ایتدیکی فذالقل

اولکی نسخه دن مابده
خواجه لر دن بر سیه آره مزده برسوز اولدی ده دیدم که : « انسانی تدریسده ، خصوصیه فقه ، حدیث ، الهیات درس لرنده بالمناسبه خالصانه نصائح سرد ایدلمک صوریه طلبه نك تهذیبنه چالیشلسه ؛ کندیلرینه اخلاق فاضله تلقین اولنسه . . . دیدی که : « بسویله دیکک شیدن بیهوده یورغوناقدن باشقه بر فائده چیقماز . »
دیدم که : « سنک وظیفه ک امر بالمعروف ، نهی عن المنکر در . یوقسه یالکوز او امر امتثال ایتمک ، مناهیدن کری طورمه قله وظیفه کی ادا ایتمش اوله مازسک . » دیدی که : « حصول فائدتک امکاسرانی محقق اولجه آرتق امرده عبثدر ، نهی ده . »
باقیکز ، انسانلر آرتق صلاح قبول ایتیه جک قدر بوزولمشدر ؛ زعمنه دو شمشده ارشادات حکیمانده دن استفاده بی مجال اعتقاد ایدیور ؛